

## Leson 6

### WORDA

*budefini-ney hu-kwo-inplas-worda*

**Oni** shwo ke lu rasmi hao.  
Bat me bu pri luy pikturas.

Lai pyu blise! Hir **oni** bu mog audi nul worda!

*returni-inplas-worda*

Yu es ga gande. Go wosh **swa**!

Kada sabah me wosh **swa**.  
E may mursha yoshi rasi **swa**.

Ob yu mog ordini oli sey kitaba **selfa**, sin ke oni helpi yu?

### GRAMATIKA

*mah-kwo-yuan-partikla*

- Me pri sey kitaba. Ob me mog pren da?
- Kwo yu yao pren?
- **Den** sey kitaba me yao pren. Me yao pren sey kitaba.

*tema de frasa*

**Sey kitaba**, me he yo lekti **da**. Da es muy interes-ney.

## WORDA

*kwo-inplas-worda*

Me bu jan kwo es inen.  
Bat me esperi ke dar ye **koysa** kel es muy jamile.

Me audi koy vos.  
Dar ye **koyun**, baken dwar.

Me bu yao chi! Me bu yao chi **nihsa**!

Me bu jan luy nam. Me bu koni **niun** hir.

Me pri **olo** ke yu kuki.  
Yu mog kuki **enisa** ke yu yao.

Me pri **oli** ke yu lerni tuhun.  
Yu mog inviti **eniun** ke yu yao.  
**Kadun** mog lai.

Me-nidi-ney kitaba es **koylok** dar...

**Koytaim** me dai-te a yu may kitaba.  
Me nidi da nau. Ob yu mog returni da a me?

Me bu remembi a wo me he pon may kalam.  
Da mog bi **enilok**.  
Me shukai e me bu mog findi da **nullok**.

Hir yuy kalam yok. Shukai ba **otrelök**.

Yu koni kamino a nuy haus.  
Yu mog lai **enitaim** ke yu yao.

Lu lekti **oltaim**. Luy kitabas ye **kadalök**.

**Koyves** me visiti may granma kel jivi ausen urba.  
Laste yar me he visiti ela **plurives**.

Ob yu es in dom?  
**Unves** me lai a yu e yu bu es in dom.  
Yuy molya shwo: «Lai ba **otreves**».

- Me mus lifti da **koykomo**.
- Yu mog zwo to kom yu yao. Yu mog zwo to **enikomo**.
- Non, me bu mog lifti da **nikomo**...
  
- Yuy jawabia bu es rehte! Yu bu resolvi-te sey taska!
- Me resolvi-te... **koygrad**...
- Non hi! Yu bu resolvi-te da **nulgrad**!